

# 《淨土十疑論》 補充講表

◎附表二：

○「淨土」：即指西方極樂世界。

※《印光大師文鈔菁華錄》云：「世間所有，若根身、若世界，皆由眾生生滅心中，同業別業根身所感，皆有成壞，皆不久長。身則有生、老、病、死，界則有成、住、壞、空。所謂物極必反，樂極生悲者，此也。以因既是生滅，果亦不能不生滅也。極樂世界，乃阿彌陀佛徹證自心本具之佛性，隨心所現不思議稱性莊嚴之世界，故其樂無有窮盡之時期。譬如虛空，寬廓廣大，包含一切，森羅萬象。」

又云：「須知一切眾生，皆具佛性。故佛令人念佛求生西方，以仗阿彌陀佛之大慈悲願力，亦得受用此不生不滅之樂。以根身，則蓮花化生，無生老病死之苦；世界，則稱性功德所現，無成住壞空之變。雖聖人亦有所不知，況以世間生滅之法疑之乎？」

※《阿彌陀經要解》云：「問：今發願但可云當生，何名今生？」

答：此亦二義：一、約一期名今，現生發願持名，臨終定生淨土。

二、約剎那名今，一念相應一念生，念念相應念念生。妙因妙果，不離一心，如稱兩頭，低昂時等，何俟娑婆報盡，方育珍池。只今信願持名，蓮萼光榮，金台影現，便非娑婆界內人矣。極圓極頓，難議難思，唯有大智，方能諦信。」

○疑者，於諸諦理，猶豫為性。能障不疑，及諸善品為業。

※《成唯識論觀心法要》卷六云：「問曰：猶豫則善不生，過誠大矣；然貪瞋癡慢，苟知其過，有可作意蠲除。至於理實未明，安可強不知以為知耶？答曰：強不知以為知，正是疑之根也。若欲除疑，惟有虛心博學，審問慎思，憑正教為指南，依師友為眼目；又須如舜之好問好察，如孔之善惡皆師，方能永斷疑根，直至不疑之地。」

◆於諸諦理：苦集滅道四諦。諦：真實之義理也。

△甲一、第一疑：求生淨土，捨離眾生。

○凡夫菩薩者，要須常不離佛，忍力成就，方堪處三界內，於惡世中，救苦眾生。

※《佛說八大人覺經》云：「如此八事，乃是諸佛菩薩大人之所覺悟。精進行道，慈悲修慧；乘法身船，至涅槃岸；復還生死，度脫眾生。以前八事，開導一切，令諸眾生，覺生死苦，捨離五欲，修心聖道。」

○惡世界，煩惱強，自無忍力，心隨境轉，聲色所縛，自墮三塗，焉能救眾生！

※《圓覺經》·清淨慧菩薩章云：「一切眾生，從無始來，由妄想我，及愛我者；曾不自知，念念生滅，故起憎愛，耽著五欲」。

○假令得生人中，聖道難得……如此輪迴，至於今日，人人皆如是，此名難行道也。

※《成唯識論觀心法要》卷四云：「由第七識妄起我癡、我見、我慢、我愛，遂使五度諸行，不能忘相，咸成有漏，故名雜染。」

※《成唯識論觀心法要》卷四云：「若欲出輪迴，必先勤觀無我。然此第七識之俱生我執，細故難斷。必先用第六識，與相應之正慧心所，依於大乘教理，如實觀察，俾無我正解種子，漸熏漸著，至成熟位，方得無漏實智現前。」

○見彌陀佛，證無生忍已，還來三界，乘無生忍船，救苦眾生，廣施佛事，任意自在。

※《普賢行願品》云：「我既往生彼國已，現前成就此大願，

一切圓滿盡無餘，利樂一切眾生界。」

△甲二、**第二疑**：求生西方，違無生理。

◆生：約俗諦，為因緣所生法，即不變隨緣之意。無生：約真諦：即隨緣不變之意。

不變：為性理之體，乃即用之體，可喻為真金。如自性彌陀、真如等。

隨緣：為事相之用，乃即體之用，可喻為真金所做成的眾器具。

※《圓覺經講義附親聞記》·辯音菩薩章云：「佛所說法，本祇有真俗二諦。俗諦是事相

上說，真諦是理性上說。俗諦在世間為真，出世則空。真諦在世間是空，

出世則中。故空與中，有密切關係；了得空是不空，不空即中。」

○諸法體空，本來無生，平等寂滅。

\*空觀：觀緣生無性，即觀真諦理。特性：無真實性，有變異性，無自主性。從假入空，

不住有（非有）。

※《中觀論》·觀四諦品云：「未曾有一法，不從因緣生，是故一切法，無不是空者。」

※《中觀論》·觀行品云：「大聖說空法，為離諸見故，若復見有空，諸佛所不化。」

※《占察善惡業報經義疏》云：「攝法歸心，則心外無法，因緣即空也。」

緣生：緣含攝因之故，緣生即因緣所生法，所謂一切法本來無生，但由因緣聚會，而顯現諸法。即一切法乃為因緣和合而顯現之假相，如幻如化，如鏡中像，如水中月。

無性：以性（自性）乃本具，更三世而不易，不是由因緣聚會而生的。故無性是說明因緣所生法，但有相而無性也。（以上糅合《金剛經講義》）

\*假觀：觀無性緣生，即觀俗諦理，十界染淨緣起。從空入假，不住空（非空）。

※《中觀論》·觀四諦品云：「以有空義故，一切法得成，若無空義者，一切則不成。」

※《占察善惡業報經義疏》云：「心生想念，則法隨心現，無量差別，因緣即假也。」

\*中觀：不著有，不著空，觀中諦理。以空、假二觀為方便，入中道第一義諦觀。

※《大乘起信論》云：「若行若住，若臥若起，皆應止觀俱行。所謂雖念諸法，自性不生（空觀）；而復即念因緣和合，善惡之業，苦樂等報，不失不壞（假觀）。

雖念因緣，善惡業報（假觀），而亦即念性不可得（空觀）。」

※《占察善惡業報經義疏》云：「法唯心生，以心為體，非有非無，離一切相，本無差別，不生不滅，因緣即中也。」

※《占察善惡業報經》云：「復次，應知：內念念不住故，所見所緣一切境界亦隨心念念不住，所謂心生故種種法生，心滅故種種法滅。是生滅相，但有名字，實不可得。以心不往至於境界，境界亦不來至於心，如鏡中像，無來無去。是故一切法，求生滅定相，了不可得。所謂一切法畢竟無體，本來常空，實不生滅故。」

※《楞嚴經》卷二云：「見與見緣（如以麻為繩），并所想相（如以繩為蛇），如虛空華，本無所有（徧計本空，依他如幻）。此見及緣，元是菩提妙淨明體（如了繩即麻）。」

○又經云：「若求淨土，先淨其心；心淨故，即佛土淨。」此云何通？

※《維摩詰經》·佛國品云：「若菩薩欲得淨土，當淨其心，隨其心淨，則佛土淨。」

### ○斷滅見、斷滅相

※《金剛經講義》云：「即如前半部，啟口便說滅度無量無數無邊眾生，實無眾生得滅度者。是說度盡眾生，而不著相；非說一生不度，而為斷滅相也。又說於法應無所住，行於布施。是說行布施時，不應住相；並非不行布施，而成斷滅相也。」

※《中觀論》·觀業品云：「雖空亦不斷，雖有而不常，業果報不失，是名佛所說。」

※《金剛經》云：「爾時，世尊而說偈言：若以色見我，以音聲求我，是人行邪道，不能見如來。」 「須菩提！汝若作是念：『如來不以具足相故，得阿耨多羅

三藐三菩提。』須菩提！莫作是念：『如來不以具足相故，得阿耨多羅三藐三菩提。』」

※《金剛經》云：「須菩提！汝若作是念，發阿耨多羅三藐三菩提心者，說諸法斷滅。」

莫作是念！何以故？發阿耨多羅三藐三菩提心者，於法不說斷滅相。」